

Codex Laureshamensis Teil: Bd. 1, Einleitung, Regesten, Chronik Nr. 47 (Reg. 3528)

In nomine sanctae et individuae trinitatis. Arnolfus divina favente gratia rex. Notum sit omnibus sanctae dei aecclesiae fidelibus, fideliumque nostrorum presentium scilicet et futurorum comperiat magnitudo, qualiter nos ob amorem dei et remissionem peccatorum nostrorum, atque pro remedio animarum piae recordationis avi, genitorisque nostri Karlomanni, quasdam res iuris nostri cuidam fideli nostro nomine Sigolfo, in ius et proprietatem ad dies vitae suae perpetuo possidendum concessimus, videlicet in comitatu wormatiense, in Rocchesheimero marcha, aream unam, et iurnales XXV, et insulam unam quae nominatur Sigenwert, quae insula iacet in ripa Raeni, et in comitatu lobodenense, in villa quae dicitur Sunthoue, hubas III^{es}, cum mansis et aedificiis, mancipia tria, matrem cum duobus filiis, terris, pratis, silvis, cultis et incultis, pascuis, aquis, aquarumve decursibus, viis et inviis, et adiacentiis, finibus, et omnia ad se iure legitimo pertinentia, eo scilicet rationis tenore, ut ad dies vitae suae sine alicuius contradictione habeat, post decessum quoque suum ad monasterium revertantur. Unde et hoc nostrae auctoritatis preceptum fieri iussimus, per quod decernimus atque iubemus, ut nostris nec successorum nostrorum temporibus nullus habeat potestatem ex suprascriptis rebus aliquid minuere, subtrahere vel inmutare, sed ita inviolabiliter permaneant veluti prelibavimus. Et ut hec nostrae concessionis auctoritas plenior in dei nomine obtineat firmitatem, et per futura tempora uerius a cunctis credatur, et diligentius observetur, manu propria subter eam firmavimus, et anulo nostrae impressionis iussimus sigillari. Signum domni Arnolphi M. piissimi regis. Aspertus notarius ad vicem Theothmari archicapellani recognoui. Data II idus iunii. Anno incarnationis dominicae DCCC⁰LXXX⁰VIII⁰. Indictione VI^a. Anno I⁰ regni Arnolphi piissimi regis. Actum ad Franconofurt in dei nomine, faeliciter. Amen.